

李

臨海葉隱衡編纂

傷寒
雜病
指南

上海廣益書局發行

太陽病去汗脈沉舌伸脇脹古聖多麻桂石黃在甘陳
三時匡能掌鄭著升林

辨論指南

手面熱是外感

手心熱是內傷

傷調中益氣湯

外感是和解三行

莫

莫

莫

莫仲實研究于

房學舍是也

敵

適

施

啓予

啓

啓

謹啓

傷寒論切脈

臨海葉隱衡編纂

孔子曰之徒

楊牛

莫鴻逵閱

后少卿書舍

傷寒指南

相傳

陽遠在石研

莫敵

琴

石

究醫學是也

暑夏也

上海廣益書局發行

多載名詞

醫家理學之必要

價實

價真

價廉

價中

者以

指南

藥物

市

對

銷

江忍庵先生新著

中國藥物新字典

精裝一冊

明

說

『是』醫家必備之新本草
途徑別開之新字源

△欲知藥物性質者……不可不看
△欲知藥物名稱者……不可不看
△欲知藥物功用者……不可不看
△欲知藥物種類者……不可不看

是編為江忍庵先生所輯。採錄古今名入本草
匯合而成。依據字典。按部列入。分為十二
集。合計一巨冊。其中所載藥物。約得六千
四百餘種。搜羅宏富。鉅細靡遺。與綱目相
頡頏。並且每一字下。詳加音註。而於性質
功用二者倍加注重。不獨使醫家用備參攷。
免煩檢查之勞。即粗知文字者。亦不難翻閱
而得。藉資研究。誠不愧空前絕後之佳本也

定價大洋二元 函購每部另加郵費一角三分

莫適適孝

中立

者以

叙言

指南傷寒論

莫

適

我國醫道。三代以降。咸宗於漢張仲景。稱為醫之聖者。而仲景之醫聖。厥在傷寒論。與金匱要畧。雜病論兩篇。立法立方。啟後世之法程。其於傷寒論中。立三百九十七法。一百一十三方。其於金匱要畧。分門別類。包舉該括。示人以規矩準繩。可得觸類旁通。應變化於無窮。大法微言。昭著千古。然遺書千載。謬錯難免。迭經歷代名家詮解。類皆依文釋義。未能澈底懸鵠。示人標準。後世醫書雖多。又類皆欲自成一家。鮮將治術聯為一貫。或偏於醫案。或詳於分帙。煩詞駁雜。未足列炬當途。指示迷程。值茲西醫日漸澎湃。中醫幾無昂頭餘地。舉世多以中醫之理。由於摸索。不如西醫之單刀直入。詎知外科剖解之學。中醫失教。原讓西醫。而內科養護之法。不及我中醫遠甚。余深有慨夫。中醫之不振也。爰述醫理一貫之途徑。而示人以指南。特編各科指南。宏茲醫學。俾士子人人手自一編。聞窮其法。不特救人還自衛己。諒舉世有同情也。爰弁數言於首。以為序。

莫中三

編者識

中三

傷寒指南目錄

入門辨證訣

傷寒總例

太陽病

陽明病

少陽病

太陰病

少陰病

厥陰病

合病併病壞病過經不解等病

春溫暑病秋瘧風溫等病

婦人傷寒

小兒傷寒

家雖貧學不輟是人之不歎也

富貴貴是人之所好也 不以道得

子曰吾不處也

思修身 莫仲寅

致氏

澤亭

致氏

逸亭

莫中立

鏡清

傷寒指南

四改 四選 不火車頭

臨海葉衡隱編纂

△入門辨證訣

恒益公司內呈

【發熱外感內傷辨】凡病鮮有不發熱者。而內傷外感其大關鍵也。人迎脈大於氣口。為外感。氣口脈大於人迎。為內傷。外感則寒熱齊作而無間。內傷則寒熱間作而不齊。外感惡寒。雖近烈火不能除。內傷惡寒。得就溫暖而必解。外感惡風。乃不禁一切風寒。內傷惡風。惟惡些少賊風。外感證顯在鼻。故鼻氣不利。內傷證顯在口。故口不知味。外感則邪氣有餘。故發言壯厲。先輕而後重。內傷則元氣不足。故出言懶怯。先重而後輕。外感頭痛常常。內傷頭痛時作時止。外感手背熱。手心不熱。內傷手心熱。手背不熱。若夫內傷外感兼病而相合者。則其脈證並見而難辨。宜細心求之。若見內證多者。則是內傷重而外感輕。宜以補養為先。若是外證多者。外感重而內傷輕。宜以發散和解為急。

【傷寒類傷寒辨】世傳以痰飲脚氣虛煩為似傷寒。王叔和又以瘧濕霍亂為似傷

寒實則以形證較之。非止此數者。茲先以冬溫等病。與傷寒辨析之於左。
自霜降以後。天令寒。感之而病者。傷寒也。脉浮緊。無汗。

霜降以後。當寒而不寒。乃更溫暖。因而衣被單薄。致感寒而病者。冬溫也。若時氣發
班。與傷寒熱未已。再遇溫熱。為溫毒。

春時天道和暖。有人壯熱口渴。而不惡寒者。春溫也。若天令尚寒。冰雪未解。感寒而
病者。亦曰傷寒。

三月以後。八月以前。天道或有暴寒。感之而病者。時行寒疫也。

夏月有病頭痛。謔語自汗。身不甚熱。兩脛逆冷。四肢沉重。胸腹滿者。濕溫也。其人常
傷於濕。因而中暑。濕熱相搏。故發此病。不可汗下。

頭痛身熱。自汗。與傷寒同。而脉尺寸俱浮。身重默然。但欲眠。鼻息鼾。語言難出。四肢
不收者。風溫也。不可發汗。

病嘔吐而利。頭痛身痛。惡寒發熱。或吐利止而發熱者。霍亂也。

身熱足寒。頭項強急。惡寒時。頭熱面赤。目脉赤。頭面搖。口噤。背反張者。瘧也。
頭熱與傷寒相似。而脉不浮緊。頭不疼。身不痛。不惡寒。或煩時。頭亦痛。煩止痛亦止。

虛煩也。

發熱憎寒。頭疼。肢節痛。嘔惡。與傷寒相似。而病起自脚。脚膝腫痛。兩脛或腫滿。或枯細。大便堅者。脚氣也。

憎寒發熱。惡風。自汗。胸滿。氣上衝。咽不得息。與傷寒相似。而頭不痛。項不强。亦有時頭痛。止作無常。其脉緊而不大者。痰也。痰在上焦。則寸口脉沉滑。或沉伏。痰在中焦。則右手關脉滑大。又目下如灰。烟黑者。亦痰之候也。

△傷寒總例

【傷寒四時不同】春氣溫和。夏氣暑熱。秋氣清涼。冬氣冷冽。此四時正氣之序也。然

傷於四時之氣。皆能為病。惟冬時嚴寒。觸冒之者。乃名傷寒。若中傷寒而不即病。其寒毒藏於肌膚。至春變為溫病。至夏變為暑病。暑病者。熱極重於溫也。是以辛苦之人。春夏多溫熱病者。皆由冬時觸寒所致。非時行之氣也。凡時行者。春時應暖而反大寒。夏時應熱而反大涼。秋時應涼而反大熱。冬時應寒而反大溫。非其時而有其氣。此即時行之氣也。故春分節以後。至秋分節以前。天有暴寒者。皆為時行寒疫。傷寒例曰。冬溫之毒。與傷寒大異。為治不同。又曰。寒疫與溫及暑病相

似。但治有殊。則不可不先審也。世人每以溫病、熱病與寒疫混稱傷寒。是大誤矣。
【傳變】凡傷於寒。其病必傳變。初則尺寸俱浮。此太陽受病也。當一二日發。頭項痛。
腰脊強。至尺寸俱長者。此陽明受病也。當二三日發。身熱目疼。鼻乾不得卧。尺寸
俱弦者。少陽受病也。當三四日發。胸脇痛耳聾。此三經雖受病而尚未入府。可汗
而已。若尺寸俱沉細者。乃太陰受病也。當四五日發。腹滿噎乾。尺寸俱沉者。少陰
受病也。當五六日發。口燥舌乾而渴。尺寸俱微緩者。厥陰受病也。當六七日發。少
腹煩滿而囊縮。此三經受病已入於府。可下而已。若傷寒後脉仍靜者。為不傳。又
脉縱浮縮。而人身溫和者。此為欲解也。

至於兩感之病。則異是。兩感者。表裏俱病之謂也。彼兩感於寒者。一日太陽受之。即
與少陰俱病。則頭痛口乾煩滿而渴。二日陽明受之。即與太陰俱病。則腹滿身熱。
不欲食。讖語。三日少陽受之。即與厥陰俱病。則耳聾囊縮水漿不入。此三陰三陽
五藏六府皆受病。榮衛不行。府藏不通。死也必矣。

故傷寒病熱熱雖甚不死。苟不兩感於寒。更不傳經。至七日後病自愈也。若再傳至
十四日。亦能愈也。若在十四日之內。尺寸陷者大危。過十四日。更感異氣變為他

病者當依壞証而治之。

【汗下大法】傷寒之病多從風寒得之。其病初在表。故當先解其表。此在汗之一法也。若風寒入裏。則不消矣。因其不能消也。必見大滿大實。堅有燥屎之狀。此時自可除下之。雖然。傷寒要緊處。在表裏須分明白。而為汗下。如失血家不可發汗。淋家不可發汗。陽明汗出而多。宜急下。少陰下利而渴。宜急下。蓋一則不當用表劑。當徐徐解散之一。則當下而不下。則熱毒轉深。是亦不可不審也。

【可汗】大法太陽病。脉浮而數者。可發汗。陽明病。脉遲汗出微惡寒者。可發汗。凡發汗。祇令手足俱周即佳。不必令如水流。若病不解。宜重發汗。蓋汗多恐亡陽也。若陽虛。不得重發汗。

【不可汗】太陽病。發熱惡寒。脉微弱者。無陽也。不可發汗。少陰病。脉細沉數。病為在裏。不可發汗。咽喉乾燥。不可發汗。亡血不可發汗。衄家不可發汗。下利不可發汗。淋家不可發汗。瘡家不可發汗。總之。榮氣不足。血氣微少之人。未可發汗也。

【可下】大法。凡可下者。中病便止。不必盡劑也。少陰病得之二三日。口燥咽乾者。急下之。少陰病六七日。腹滿不大便者。急下之。陽明病發汗熱多者。急下之。病人無

表裏證發熱七八日。雖脉浮數者。可下之。太陽病六七日。表證仍在。脉微而沉。其人發狂者。以熱在下焦。少腹鞭滿。蓋於熱在裏故也。宜下之。

【不可下】非陽明之本病。不可下。蓋陽本病。胃家實故也。故非痞滿燥實。不可下。非潮熱發渴。不可下。非脉沉數。不可下。又脉浮者。不可下。脉虛者。不可下。惡寒者。不可下。嘔吐者。不可下。

【可吐】大法。凡用吐藥。中病即止。亦不必盡劑也。太陽病。頭不痛。項不强。寸脉微浮。胸中痞鞭。氣上衝咽喉。不得息者。此為有寒。當吐之。少陰病。飲食入口則吐。心中噤噤欲吐。復不能吐者。宜吐之。宿食在上脘者。宜吐之。手足逆冷。客在胸。心下滿而煩。欲食不能食者。病在胸中。當吐之。

【不可吐】少陰病。飲食入口則吐。手足寒。脉弦遲者。此膈上有寒。不可吐也。餘若四肢厥逆。虛家新產。脉微之人。皆不可吐。

△太陽病

經曰。太陽之為病。頭項强痛。而惡風寒。不傳經者。固有之。然而傳者多矣。即所謂傷寒一日。太陽受之。脉若靜者。為不傳。若欲吐及煩燥。脉數急者。為傳也。太陽經治

法如頭痛發熱汗出惡風者。桂枝湯主之。此為榮弱衛強。與以桂枝湯解散風邪。調和榮衛也。若脉浮緊發熱汗不出者。不可與之。蓋桂枝湯本為解肌之劑也。如頭痛發熱身疼腰痛骨節疼痛惡風無汗而喘者。麻黃湯主之。此為榮強衛弱。與以麻黃湯以發其汗也。然此劑祇用於天氣寒冷之時。若在夏月炎暑之時。為禁用之藥。故彼時代以葛根葱白豆豉之類以發之為愈矣。至若發熱惡寒脉浮緊身疼痛不汗出而煩躁者。大青龍湯主之。項背強几几汗出惡風者。桂枝加葛根湯主之。項背強几几無汗惡風。葛根湯主之。病已得八九日發熱脉微惡寒。此陰陽俱虛。不可發汗。宜桂枝麻黃各半湯。小發其汗以除表邪。發熱惡寒熱多寒少脉微弱者。此無陽也。不可發汗。宜桂枝二越婢一湯。因此脉微而加弱。則虛象更顯。故小汗不宜。但因病在太陽表證未罷。祇帶用桂枝。不令汗而已。

【發熱】發熱者無休止時也。寒熱者寒已而熱熱已而寒相繼而發也。潮熱者有時熱有時止如潮汎之不失其期也。此但云發熱經云傷寒一二日或已發熱或未發熱凡翕翕發熱而惡風惡寒頭痛脉浮者表熱也。原由風寒客於皮膚陽氣怫鬱所致。宜汗之。若蒸蒸發熱而兼有譫語大便閉小便赤腹滿惡熱脉滑實者裏

熱也。原由陽氣下陷，入陰中，所致。宜下之。此大概而言也。就証以論。如發熱而嘔者，用小柴胡湯。發熱欬嗽，表不解者，小青龍湯。發熱而喘，表不解，兼胸滿者，麻黃湯。發熱汗解後，復煩燥，脈浮數大者，可更發汗。宜桂枝湯。發汗後惡風寒者，虛故也。不惡寒但惡熱者，實也。宜調胃承氣湯。發汗不解，蒸蒸發熱者，屬胃也。亦宜調胃承氣湯。發熱汗出不解，心下痞鞭，嘔吐而利者，宜大柴胡湯。發汗後仍發熱，心悸頭眩，身瞤動者，宜真武湯。汗出熱不去，內拘急，四肢痛，下利，厥逆惡寒者，宜四逆湯。汗下後仍頭痛發熱，心下滿，小便不利者，桂枝湯去桂，加茯苓、白朮湯。大下後身熱不去，心中結痛者，梔子豉湯主之。大下後身熱不去，微煩者，梔子乾姜湯主之。發熱下利，脈微遲，厥逆者，通脈四逆湯主之。發熱吐利，心下痞硬者，大柴胡湯。渴者，五苓散。不渴者，理中湯。若在婦人，其發熱經水適斷，小柴胡湯。發熱，脈數，消渴不大便者，有淤血，宜抵當湯。此於發熱諸證施治如是。然自宋元諸賢，對於表證發熱治例，如張潔古云：有汗不得服麻黃，無汗不得服桂枝。並特創黃芪湯、川芎湯、神朮散，以應證。謂黃芪湯有汗則能止之，川芎湯無汗則能發之，神朮散治內傷冷飲外感寒邪，無汗者，是亦和解之好劑也。並彙錄解表雜方於左，以

備參酌焉。

九味羌活湯。治不問四時。但有頭痛。骨節痛。發熱惡寒。無汗。脉浮緊者。皆宜用之。十味芍蘇散。治四時傷寒。發熱。頭痛。養胃湯。治外感風寒。內傷生冷。憎寒壯熱。頭目昏疼。人參敗毒散。治傷寒。頭痛。壯熱。惡寒。鼻塞。聲重。身腫。參蘇飲。治內外一切發熱主藥。十神湯。治時令不正。感冒發熱。並不問陰陽。兩感風寒。咸宜服之。藿香正氣散。治傷寒。頭痛。憎寒。壯熱。並霍亂吐瀉。通聖散。治風熱鬱結。憎寒發熱。口苦舌乾。咽喉不利。涼膈散。治心火上盛。膈熱有餘。前胡湯。解熱。

【惡寒】惡寒者。風寒客於榮衛。非寒熱之寒。又非惡風也。故不待見風而後怯寒。雖身大熱。亦不欲去衣被也。甚則向火。增被。不能過其寒。所以然者。由陰氣上入陽中。或陽微。或風虛。相搏之所致也。惡寒一切屬表。經云。發熱惡寒。發於陽。可發汗。無熱惡寒而踈。脉沉細。發於陰。可溫裏。故傷寒太陽病在表。則惡寒。少陽半在表。半在裏。亦微惡寒。陽明在裏。本不惡寒。或惡寒者。必與太陽合病也。

太陽發熱惡寒。脉浮。用方已見前。即大青龍湯是。茲更別舉各證治。則如惡寒。脉微。而復利。利止。亡血也。宜四逆湯。加人參湯主之。發汗病不解。反惡寒者。虛故也。芍

藥甘草附子湯主之。下後復發汗。心振寒。脉微細者。此內外俱虛也。宜當歸四逆湯。真武湯。下後脉促。胸滿者。桂枝去芍藥湯主之。若微惡寒者。去芍藥。加附子湯主之。汗下後。心下痞而惡寒者。表未解也。先用桂枝湯解表。再用大黃黃連瀉心湯攻痞。至於舌乾口燥。內有熱證。口中不仁。背惡寒者。為三陽合病。宜白虎湯。蓋背負陽抱陰。背寒者。陽弱也。陽氣既陷。津液為涸。故舌乾口燥。祇用白虎湯以濟之。

【惡風】風邪中於衛。則必惡風。蓋衛氣者。所以溫分肉。充皮膚。肥腠理。司開闔者也。惡風惡寒。俱為表證。但惡風比惡寒為輕耳。故其發散又自不同。若無汗惡風。則為傷寒。當發其汗。故用麻黃湯。若汗出惡風。則為中風。當解其肌。故用桂枝湯。發汗後。遂汗漏不止。其證似風濕相搏。背惡風。汗出。小便不利。四肢難屈伸。但心下不滿。身不痛。宜用桂枝加附子湯。風濕相搏者。骨節煩疼。掣痛。用甘草附子湯。身熱惡風。項強脇滿。手足溫而渴者。用小柴胡湯。

【頭痛】傷寒頭痛。雖屬三陽。惟太陽經獨多。蓋太陽為病。屬表。而頭痛專為主表。雖有傷寒六七日。頭痛不大。便有熱。而與承氣湯下之。故云。若小便清者。知熱不在

裏仍在表。是知頭痛屬表明矣。太陰少陰二經之脉。從足至胸而還。不上循頭。故無頭痛。惟厥陰脉循喉嚨之後。上連目系。與督脉會於顛。亦有頭痛。却無身熱。亦與陽證不同也。然風濕病在少陰。濕溫病在太陰。而亦頭痛。陰毒之證。又有頭痛。是不可不知。但內因頭痛。作止有時。外因頭痛。常常有之。直至傳裏方止。此即可明也。

是之證治。如大便不利六七日。頭痛身熱。小便赤者。宜承氣湯。若小便利者。證仍在表。須發汗。若頭痛者。必衄。宜桂枝湯。服桂枝湯。或下之。仍頭項強痛。翕翕發熱。心下滿微痛。小便不利者。桂枝湯去桂。加茯苓白朮湯。太陽中風下利嘔逆。表解者。可攻之。其人漿漿汗出。若發作有時。頭痛。心下痞鞭。引脇下痛。乾嘔短氣。汗出不惡寒者。表解裏未和也。宜十棗湯。發熱頭痛。脉反沉。復身痛。當用救裏四逆湯。又陽明身熱頭痛。漱水不欲嚥。必發衄。脉數者。犀角地黄湯。茅花湯。陽明病表裏大熱。煩渴引飲。頭痛如破者。宜竹葉石膏湯。陽明頭痛不惡寒。反惡熱。大便實。宜調胃承氣湯。少陽經頭痛。不分有汗無汗。皆以小柴胡湯主之。惟據王海藏所云。太陽頭痛有汗。桂枝湯。無汗。麻黃湯。陽明頭痛白虎湯。少陽頭痛小柴胡湯。太陰頭